



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.8. Imagines damnantur.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

cilii Definitio continuatur in hunc mo- Sæcul. VIII.
dum: A. C. 754.

§. VIII.

Imagines damnantur.

Porro illæ, quæ falso dicuntur imagines, nec a Traditione Jesu Christi, Apostolorum, aut Patrum originem ducunt, nec habent proprias preces, quibus sanctificentur, sed profanæ manent & contemptu dignæ, quales de pictoris manu prodierunt.

p. 452.

Si quis interroget, quare damnemus Imagines Matris Dei & Sanctorum, qui simpliciter homines sunt, nec Naturam Divinam sicut Jesus Christus habent. Respondebimus; Ecclesiam, mediam inter Judæos perfidos & cæcos Gentiles positam utriusque erroris Cæremonias rejicere, nempe Judæorum cruenta Sacrificia, & Idolorum fabricationem & cultum, cujus mali fons est detestabilis ars pingendi. Nam cum Resurrectionis spem non haberent, hunc dolum excogitarunt, ut ea, quæ oculos nostros fugiunt, quasi præsentia redderent. Sanctis vero, qui cum Deo vivunt, injuriâ fit, si in materia inanimata arte Gentilium exhibeantur.

p. 456.

p. 457.

p. 461.

Deinde Concilium affert aliquot Textus ex Sacra Scriptura ad Auctoritatem suæ Definitioni conciliandam, &

p. 464.

Hist. Ecclesiast. Tom. X. P quos-

Sæcul. VIII.

A. C. 754.

473.

p. 505.

508.

512.

p. 513.

quosdam Textus ex Patribus, scilicet S. Epi-
 piphanii, S. Gregorii Nazianzeni, S. Joan-
 nis Chrysofomi, S. Athanasii, S. Amphi-
 lochii, Theodori Ancyrani, Eusebii Cæ-
 sariensis in Palæstina. Denique conclu-
 ditur; omnem imaginem quocunque
 modo pictam tanquam rem abominabi-
 lem ex Ecclesia esse ejiciendam, & om-
 nibus hominibus prohibetur, ne dein-
 cept ullam imaginem faciant, adorent,
 in Ecclesia, aut in domo privata collo-
 cent, vel occultent. Transgressores, si
 Episcopi sint, Presbyteri, aut Diaconi,
 deponantur; Monachi, & Laici anathe-
 mate percutiantur, & præterea pœnas
 a Legibus Cæsareis præscriptas subeant.
 Additur vero, & præcipitur, ne Eccle-
 siarum Præpositi vasa sacra, vestes, vela,
 aliave mobilia ad Officium Divinum ce-
 lebrandum pertinentia sibi usurpent. Si
 vero ea mutare voluerint, consensum
 Patriarchæ Constantinopolitani, & man-
 datum Imperatoris petant, ne sub hoc
 prætextu vastitas in Ecclesias inducatur.
 Item prohibetur, ne Magistratus, aut
 quicumque Laici occasione imaginum Ec-
 clesias sibi subjiciant, aut in servitu-
 tem redigant, quod a quibusdam factum
 erat.

Inde Concilium pronunciat aliquot
 Articulos, quo modo Canones condi so-
 lent, & addit ubique Anathematismum.
 Prio-

Priores quidem continent Doctrinam Catholicam de Trinitate & Incarnatione ; verum postea adduntur aliqui contra Imagines Jesu Christi & Sanctorum. Nichilominus fatentur Episcopi, Sanctam Virginem omnibus reliquis creaturis esse majorem, atque ad ejus apud Deum intercessionem tanquam potentissimam esse recurrendum. Omnes etiam Sanctos, qui sub Lege Naturæ, Lege scripta, vel Gratia vixerunt, esse honorandos, atque eorum Patrocinium secundum Traditionem Ecclesiasticam esse implorandum.

Hac sententia pronunciata Imperatores Constantinus & Leo (nam pro more illius temporis semper ambo loquentes inducuntur) Concilium interrogarunt, an Decretum modo recitatum ex consensu omnium Episcoporum esset promulgatum. Responderunt : *Omnes hoc credimus. Omnes concordés sumus. Cum gaudio subscripsimus.* Tum sæpius in honorem Imperatorum acclamantes laudabant, quod præter alia strenue gesta etiam Idololatriam prostravissent.

Tandem nominatim S. Germano Constantinopolitano, Georgio ex Cypro & S. Joanni Damasceno anathema dicunt in hæc verba : *Anathema Germano, ambigua fidei homini, & ligni adoratori ! Anathema Georgio ipsius Socio & Do-*

Sæcul VIII.

A. C. 754.

p. 5.6.

p. 524.

Iconomachi.

p. 528.

p. 532.

p. 533.

Sæcul. VIII. *Etinæ Patrum corruptori? Anathema*
A. C. 754. *Joanni (quem Mansur nominant) exec-*
crabili viro & Saracenis faventi! Ana-
nathema Joanni, imaginum Cultori, &
Impostori! Anathema Joanni, Jesum
Christum blasphemanti, & Imperii pre-
ditori! Anathema Joanni, impii dog-
matis Auctori, & perverso Scriptura
Interpreti! Trinitas hos tres viros de-
posuit. Hoc est illud Decretum Conci-
liabuli Constantinopolitani ab Iconoma-
chis celebrati.

Theoph. an.
13. p. 359.

Die vigesimo ejusdem mensis Augu-
 sti anno 754. Constantinus Imperator,
 novus Patriarcha Constantinus, aliique
 Episcopi, in forum publicum processerunt,
 & Decretum Concilii promulgarunt,
 Anathematismos in Germanum,
 Georgium, & Joannem *Mansur* repeten-
 tes. Hoc decreto in Provincias delato
 ubique Catholici consternati visabantur,
 Iconomachi vero Vasa sacra mutabant,
 & Ecclesias deformabant. Combure-
 bantur Imagines, parietes vel dejicieban-
 tur, vel picturæ corrumpebantur; solæ
 illæ servabantur, quæ arbores, aves, aut
 animalia, & in primis, quæ spectacula pro-
 fana, insectationes ferarum, vel cursus
 equorum exhibebant.

vit. Steph.
p. 445.